

Izvještaj o radu Uprave policije MUP-a Kantona Sarajevo za 2013.godinu

KRIMINALITET

Tokom 2013. godine, aktivnosti Uprave policije Ministarstva unutrašnjih poslova Kantona Sarajevo, kada je u pitanju kriminalitet, ogledale su se, prevashodno u sprječavanju i prevenciji izvršenja krivičnih djela, rasvjetljavanju počinjenih djela i identifikaciji njihovih izvršilaca, te njihovom procesuiranju i privođenju nadležnim organima pri čemu su postignuti zadovoljavajući rezultati imajući u vidu između ostalog, smanjenje ukupnog broja registrovanih krivičnih djela za 5,7%, rasvjetljenost „najtežih krivičnih djela“ – djela protiv života i tijela za 94,7%, kao i ukupnu rasvjetljenost krivičnih djela od 63,4%.

OPĆI STATISTIČKI PRIKAZ KRIMINALITETA

Posmatrano kroz statističke pokazatelje, u toku 2013. godine u odnosu na 2012. godinu došlo je do smanjenja broja registrovanih krivičnih djela djela za 5,7%, prijavljenih lica za 9,4%, maloljetnih izvršilaca za 23,6%, povratnika u činjenju krivičnih djela za 9,6% i lica lišenih slobode za 10,4%.

U 2013. godini, registrovano je 6.490 krivičnih djela, što je za 389 djela ili 5,7% manje u odnosu na prethodnu godinu. Zbog postojanja osnova sumnje da su ih izvršili nadležnim tužilaštvima podneseni su službeni izvještaji protiv 3.124 lica, od kojih je 2.061 povratnik (ili 66% prijavljenih), a 1.302 lica su lišena slobode (ili 41,7%).

U 1.958 slučajeva (30,2% od ukupnog broja krivičnih djela), krivična djela su izvršena od strane poznatih izvršilaca, a 4.532 krivičnih djela (ili 69,8%), prijavljeno je po nepoznatom izvršiocu, od kojih su za 2.158 naknadno identifikovani izvršioci (ili 47,6% od ukupnog broja prijavljenih djela po nepoznatom izvršiocu).

Iz naprijed navedenog proizilazi da su pripadnici Uprave policije u toku 2013. godine, za ukupno 4.116 krivičnih djela identifikovali osumnjičene izvršioce ili 63,4% što je za 1,4% više u odnosu na prethodnu godinu

Među prijavljenim licima, 26 je stranih državljana (16 više) i 24 lica sa područja RS-a (11 više).

U odnosu na prethodnu godinu, smanjen je broj prijavljenih lica, za 323 (ili 9,4%), povratnika za 218 (ili 9,6%) i lica lišenih slobode za 151 (ili 10,4%).

Od strane nadležnog tužilaštva u toku 2013. godine za ukupno 2.663 službenih izvještaja, donesena je naredba o obustavi i neprovođenju istrage (507 ili 23,5% više).

Usporedni pokazatelji kriminaliteta na području Kantona Sarajevo
u 2013/12. godini prema glavama Krivičnog zakona FBiH-a i BiH-a

KRIVIČNA DJELA	2013. godina	2012. godina	uporedba		„rasvijetljenost“ u 2013. godini	
			+ / -	%	broj KD	%
Protiv ustavnog poretka Federacije	1	0	1	---	1	100%
Protiv života i tijela	171	223	-52	-23,3%	162	94,7%
Protiv slobode i prava čovjeka i građanina	241	221	20	9%	234	97,1%
Protiv spolne slobode i morala	9	14	-5	-35,7%	7	77,8%
Protiv braka, porodice i mladeži	245	236	9	3,8%	245	100%
Protiv zdravlja ljudi	282	322	-40	-12,4%	282	100%
Protiv privrede, poslov. i sigurnosti platnog prometa	2	5	-3	-60%	2	100%
Iz oblasti poreza	1	0	1	---	1	100%
Protiv radnih odnosa	0	1	-1	---	0	---
Protiv imovine	4.819	5.142	-323	-6,3%	2.515	52,2%
Protiv okoliša, poljoprivrede i prirodnih dobara	5	22	-17	-77,3%	5	100%
Protiv opće sigurnosti ljudi i imovine	138	128	10	7,8%	97	70,3%
Protiv sigurnosti javnog prometa	77	59	18	30,5%	74	96,1%
Protiv pravosuđa	20	27	-7	-25,9%	23	115% ¹
Protiv javnog reda i pravnog prometa	355	355	0	isto	344	96,9%
Protiv podmićivanja i krivična djela protiv službene...	8	23	-15	-65,2%	8	100%
Protiv privrede i jedinstva tržišta te KD... (KZBiH)	3	0	3	---	3	100%
Dogovor, pripremanje, udruž. i org. krim. (KZ BiH)	4	0	4	---	4	100%
ZOSNINPNSP-a - Zakon o sprečavanju nasilja i nedoličnog ponašanja na sportskim priredbama	1	0	1	---	1	100%
ZONDINOM-a (Sl.novine Kantona Sarajevo br.38/07)	108	101	7	6,9%	108	100%
UKUPNO	6.490	6.879	-389	-5,7%	4.116	63,4%

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

U 2013. godini registrovano je 171 krivično djelo protiv života i tijela (52 manje u odnosu na 2012. godinu) od kojih je za 162 ili 94,7% poznat izvršilac.

Zbog postojanja osnova sumnje da su ih počinili podneseni su službeni izvještaji protiv 215 lica (66 više), a 63 su lišena slobode (32 više).

Evidentirana su slijedeća krivična djela: ubistvo – jedno djelo (četiri manje), ubistvo u pokušaju – 12 djela (pet manje), teška tjelesna ozljeda – 93 (28 manje), lahka tjelesna ozljeda – 49 (18 manje), učestvovanja u tuči – 14 djela (dva više), ubistvo u pokušaju u

pomaganju – jedno djelo (isti broj) i teška tjelesna ozljeda u pomaganju – jedno djelo (nije bilo ovih djela).

Dvanaest krivičnih djela **ubistvo u pokušaju** je rasvijetljeno a izvršena su upotrebom vatrenog oružja – šest puta, upotrebom noža – pet i jedno upotrebom fizičke snage – gušenjem:

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 241 djelo (20 više) i to: ugrožavanje sigurnosti – 232 djela, narušavanje nepovredivosti doma – tri, neovlašteno optičko snimanje – dva, protupravno lišenje slobode, povreda tajnosti pisma ili druge pošiljke, neovlašćeno prisluškivanje i zvučno snimanje i zlostavljanje u obavljanju službe – po jedno djelo. Zbog izvršenja navedenih djela prijavljeno je 216 lica od kojih su 144 povratnika u činjenju krivičnih djela (ili 66,7%), a 42 su lišena slobode. Sva djela ugrožavanja sigurnosti počinjena su upućivanjem verbalnih prijetnji, pisanih - prijetećih poruka i sl. koje su izazvale uznemirenje oštećenih.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala prijavljeno je devet djela (pet manje) i to: bludne radnje – tri, silovanje u pokušaju – dva, navođenje na prostituciju, silovanje, spolni odnošaj s djetetom i prinuda na spolni odnošaj u pokušaju – po jedno djelo. Za izvršenje djela iz ove oblasti prijavljeno je osam lica, koja su uz službene izvještaje predata nadležnom tužilaštvu.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 245 krivičnih djela (devet više) i to: nasilje u porodici – 243, nasilje u porodici u podstrekavanju i oduzimanje djeteta ili maloljetnika – po jedno djelo. Službeni izvještaji podneseni su protiv 241 lica, a 137 je lišeno slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi prijavljena su 282 krivična djela (40 manje) i to:

- neovlašćena proizvodnja i stavljanje u promet opojnih droga – 56 djela (četiri više) i
- posjedovanje i omogućavanje uživanja opojnih droga – 226 djela (44 manje).

Zbog postojanja osnova sumnje da su počinili navedena djela podneseni su službeni izvještaji protiv 289 lica (45 manje), od čega je 187 povratnika ili 64,7%, a 135 je lišeno slobode (49 manje).

Po nalogu tužilaca Kantonalnog tužilaštva Kantona Sarajevo podneseno je 139 zahtjeva (54 manje) za vještačenje nepoznate materije koja asocira na drogu.

Takođe s ciljem pronalaženja narkotičkih sredstava izvršen je pregled 163 lica (14 više), 71 stambenog objekta (dva više) i većeg broja automobila po usmenim naredbama Opštinskog suda u Sarajevu.

Pregled oduzete opojne droge

VRSTA OPOJNE DROGE	2013.GODINA	2012. GODINA
Marihuana (u gramima)	18.237,35	41.369,27
Marihuana (paketići)	272	346
Marihuana (JOINT - cigarete)	13	24
Heroin (paketići)	205	94
Heroin (u gramima)	209	2.939
Amfetamin (paketići)	124	93
Amfetamin (u gramima)	284	427
Cannabis (stabljike)	15	42
Cannabis (sjemenke)	50	3
Kokain (u gramima)	---	10
Kokain (paketići)	44	6
Hašiš (paketići)	2	---
Pribor sa ostacima droge (komada)	93	76

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ prijavljena su dva djela (tri manje) i to: prijevara u privrednom poslovanju i izrada, nabavka, posjed, prodaja i davanje na upotrebu sredstava za krivotvorenje – po jedno djelo, za čije izvršenje su prijavljena tri lica.

Takođe, izvršenjem krivičnih djela iz ove oblasti i krivičnih djela koja su u vezi sa „privrednim kriminalom“, a svrstana su u druge Glave KZFBiH-a i KZ BiH-a i to: krivotvorenje isprave – šest, krivotvorenje novca i ovjera neistinitog sadržaja – po tri, prijevara i zloupotreba položaja ili ovlašćenja – po dva, itd., a koja su prijavljena i zadokumentovana tokom 2013. godine nastupila je materijalna šteta u ukupnom iznosu od 452.296,88 KM i 230 €.

KRIVIČNA DJELA PROTIV IMOVINE

U ovoj oblasti registrovano je 4.819 djela što je za 323 ili 6,3% manje. Za ukupno 2.515 djela ili 52,2% identifikovan je osumnjičeni počinitelj, što je u odnosu na prethodnu godinu, povećanje za 1,7%.

Najbrojnija djela iz ove oblasti su: teške krađe – 2.946 (349 manje), krađe – 790 (11 manje), razbojništvo – 529 (pet manje), oštećenje tuđe stvari – 191 (četiri manje), teška krađa u pokušaju – 81 (tri više), prijevara – 97 (32 više), utaja – 61 (dva više), iznuda - 16 (deset više), itd.

Objekti vršenja krivičnih djela protiv imovine tokom 2013. godine bila su: motorna vozila (otuđenja vozila i „provale“ u ista) – 1.310 (25 više), stambeni objekti – 966 puta (137 manje), poslovni prostori i prodavnice – 513 (85 manje), ulica – 128 (92 manje) i ostali objekti – 29 puta (60 manje), pri čemu je otuđivan novac, motorna vozila, tehnička roba, zlatni nakit, auto-dijelovi, cigarete, prehrambeni proizvodi, itd.

Teške krađe motornih vozila i „provale“ u pmv u odnosu na ukupan broj teških krađa čine - 44,5%, teške krađe u stambene objekte čine - 32,8%, u poslovne objekte – 17,4%, na ulici 4,3% i u ostalim objektima – 1%.

Tokom 2013. godine na području Kantona Sarajevo izvršeno je 800 krivičnih djela teških krađa motornih vozila, od čega je 227 ili 28,4% pronađeno i vraćeno vlasnicima. Od strane policije MUP Kantona Sarajevo vraćeno je 96 vozila, MUP RS-a – 33, drugih MUP-ova – 18, uz novčanu nadoknadu - deset, a 70 vozila vlasnici su sami pronašli.

U odnosu na 2012. godinu broj otuđenih vozila, povećan je za 11 ili 1,4% (tabela 8.)

Policijski službenici su u 2013. godini, zbog postojanja osnovane sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv 74 lica (tri više), od kojih je 45 povratnika u činjenju krivičnih djela (ili 60,8%).

Zbog postojanja osnovane sumnje da su počinili ukupno 565 krivičnih djela razbojništva, razbojničke krađe, pokušaj i pomaganja istih djela, službenici policije su Kantonalnom tužilaštvu podnijeli službene izvještaje protiv ukupno 206 lica (34 manje) od kojih je 166 povratnika u vršenju krivičnih djela (ili 80,6%), a 122 je lišeno slobode (četiri manje).

Krivična djela razbojništva iz člana 289. KZFBiH-a (529 djela) počinjena su u prodavnicama – 240 puta (21 manje), zatim na ulici – 146 (sedam manje), sportskim kladionicama – 77 (dva više), itd.

Navedena djela izvršena su prijetnjom upotrebe vatrenog oružja – 247 puta (71 više), prijetnjom i upotrebom noža ili drugog oštrog predmeta – 148 (26 više) i upotrebom fizičke snage – 134 puta (38 manje), a predmeti otuđenja su uglavnom bili mobiteli, novac, nakit, tašne, motorna vozila, itd.

Za ukupno 286 ovih djela ili 54,1% identifikovan je osumnjičeni izvršilac što je za 10,5% veća rasvijetljenost ovih djela u odnosu na 2012. godinu.

Nasilno oduzimanje mobitela i nakita direktno se odražava i na broj teških krađa na naročito opasan ili naročito drzak način. U ovom periodu evidentirano je 226 djela ove vrste (153 manje), od čega je za 158 ili 69,9% poznat učinilac, što je 0,5% više u odnosu na prethodnu godinu. Za izvršenje ovih oblika teških krađa, prijavljeno je 100 lica, od kojih je 75 povratnika (ili 75%), a 40 je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 138 djela (10 više) i to: izazivanje opće opasnosti – 110 djela (tri više), nesavjesno čuvanje pasa i drugih opasnih životinja – 10, teška djela protiv opće sigurnosti ljudi i imovine – devet, uništenje ili oštećenje važnih privrednih objekata ili javnih naprava – pet, izazivanje opće opasnosti u pomaganju – dva i izazivanje opće opasnosti u pokušaju i teška djela protiv opće sigurnosti ljudi i imovine u pomaganju – po jedno djelo.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 100 lica, od čega je 69 povratnika (ili 69%), a 52 su lišena slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 355 krivičnih djela (isto) i to: nasilničko ponašanje – 138 djela (41 manje), nedozvoljeno držanje oružja ili eksplozivnih materija – 80 (52 više), krivotvorenje isprave – 56 (22 više), napad na službenu osobu u vršenju poslova sigurnosti – 31 (tri više), sprječavanje službene osobe u vršenju službene radnje – 16 (dva više), skidanje ili povreda službenog pečata ili znaka – 12 (33 manje), itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 389 lica, od kojih je 228 povratnika (ili 58,6%), a 182 su lišena slobode.

KRIVIČNA DJELA POČINJENA OD STRANE MALOLJETNIH LICA

U toku 2013. godine **prijavljeno je 159 maloljetnih lica** (49 ili 23,6% manje u odnosu na 2012. godinu) zbog osnova sumnje da su **izvršili 252 krivična djela** (97 ili 27,8% manje).

Među maloljetnim izvršiocima krivičnih djela 13 je djece do 14 godina, 69 je u dobi od 14 do 16 godina, a 77 u dobi između 16 i 18 godina, dok je povratnika u izvršenju krivičnih djela 55 (ili 34,6%).

Najveći broj krivičnih djela za koja su prijavljeni maloljetnici odnosi se na **krivična djela protiv imovine** - 171 ili 67,9 %. Najviše krivičnih djela odnosi se na **teške krađe** (73 ili 29%), **razbojništva** (30 ili 11,9%), **teške krađe na naročito drzak i opasan način** (26 ili 10,3%), itd . U odnosu na 2012. godinu, u toku 2013. godine smanjen je broj

krivičnih djela razbojništva, teških krađa, teških krađa na naročito drzak i opasan način, krađa, itd.

Iz oblasti **protiv života i tijela** maloljetna lica su izvršila **23** djela (četiri ili 14,8% manje u odnosu na 2012. godinu), a radi se o sljedećim djelima: ubistvo u pokušaju (dva djela), teška tjelesna ozljeda (15), lahka tjelesna ozljeda (tri), učestvovanje u tuči (dva) i pomaganje u izvršenju krivičnog djela teške tjelesne ozljede (jedno djelo). U odnosu na 2012. godinu, smanjen je broj ubistava u pokušaju (za jedan), kao i broj lakih tjelesnih ozljeda (za pet), a povećan je broj teških tjelesnih ozljeda (za jedan), dok je broj učestvovanja u tuči ostao isti. Od ostalih krivičnih djela, maloljetnici su izvršili i 13 djela nasilničkog ponašanja, 13 djela posjedovanja opojnih droga, tri djela nedozvoljenog držanja oružja ili eksplozivnih materija, te četiri djela držanja oružja bez odobrenja.

Pregled krivična djela koja su izvršili maloljetnici u 2013/2012. godini

Krivična djela	Broj krivičnih djela		
	2013.	2012.	+ - %
Ubistvo u pokušaju	2	3	-33,3
Teška tjelesna ozljeda	15	14	+7,1
Teška tjelesna ozljeda - pomaganje	1		
Lahka tjelesna ozljeda	3	8	-62,5
Učestvovanje u tuči	2	2	0,0
Ugrožavanje sigurnosti	6	6	0,0
Nasilje u porodici	4		
Neovlaš. proizvod. i stav. u promet opojnih droga	1	3	-66,7
Posjedov. i omoguć. uživanja opoj. droga	13	19	-31,6
Krađa	16	55	-70,9
Krađa-pokušaj		1	
Krađa-pomaganje		1	
Teška krađa	73	107	-31,8
Teška krađa-pokušaj	7	9	-22,2
Teška krađa na naročito drzak i opasan način („drska“k.)	28	40	-30,0
„Drska“ krađa-pokušaj		1	
Razbojnička krađa	1	1	0,0
Razbojništvo	30	32	-6,3
Razbojništvo- pokušaj	5	1	+400,0
Razbojništvo-pomaganje		1	
Oštećenje tuđe stvari	7	11	-36,4
Utaja	3		
Prijevarena		1	
Prikrivanje		3	
Iznuda	1		
Paljevina		1	
Izazivanje opće opasnosti	3	3	0,0
Nesavjesno čuvanje pasa i dr. opasnih životinja	1		
Teška krivična djela protiv opće sigurnosti ljudi i imovine	1		

Teška krivična djela protiv sigurnosti javnog prometa	2		
Dogovor za učinjenje krivičnih djela		1	
Pomoć učitelju poslije učinjenog krivičnog djela	1		
Lažno prijavljivanje		2	
Sprečavanje službene osobe u vršenju službene radnje	1	1	0,0
Napad na službenu osobu u vršenju poslova sigurnosti	3	2	+50,0
Nasilničko ponašanje	13	18	-27,8
Nedozvoljeno držanje oružja i eksplozivnih materija	3	1	+200,0
Povreda mira pokojnika	1		
ZONDINOM (čl. 52)	4	1	+300,0
Krivotvorenje novca (čl. 205 BiH)	1		
UKUPNO	252	349	-27,8

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku 2013. godine na području Kantona Sarajevo registrovano je **29 slučajeva aktiviranja minsko-eksplozivnih sredstava** (osam ili 38,1% više u odnosu na 2012. godinu). Pet eksplozija izazvano je nestručnim rukovanjem nepoznatim eksplozivnim napravama, kojom prilikom su smrtno stradala dva lica (jedno dijete), a sedam ih je povrijeđeno, tako što je jedno dijete zadobilo teške tjelesne povrede, jedno je lakše povrijeđeno, dva su zadobila neutvrđen stepen povreda, a lakše su povrijeđena još tri punoljetna lica.

U ostala 24 slučaja eksplozije su izazvane namjerno, a u šest slučajeva izvršioци su identifikovani i protiv njih su preduzete zakonske mjere (u jednom slučaju izvršioци su dva maloljetna lica). U ovim slučajevima aktiviranja minsko-eksplozivnih sredstava jedno lice je teže, a drugo lakše povrijeđeno, a nastupila je i materijalna šteta na stambenim i drugim objektima, te putničkim vozilima.

Preduzimajući aktivnosti na otkrivanju izvršilaca krivičnog djela izazivanja opće opasnosti aktiviranjem minsko-eksplozivnih sredstava u ranijem periodu, policijski službenici su u toku 2013. godine identifikovali izvršioce dvije eksplozije koje su se dogodile u oktobru i decembru mjesecu 2012. godine.

Evidentirano je 15 anonimnih dojava o postavljenoj eksplozivnoj napravi (pet ili 25% manje u odnosu na 2012. godinu). Nakon KDZ pregleda utvrđeno je da su dojave bile lažne. Ove dojave pretežno su se odnosile na srednje škole na području Kantona Sarajevo.

U šest slučajeva izvršioци su identifikovani i protiv njih su preduzete zakonske mjere. Takođe, u mjesecu januaru 2013. godine identifikovana su i dva lica koja su u novembru prošle godine u tri navrata upućivala lažne dojave o postavljenoj eksplozivnoj napravi u Srednjoj medicinskoj školi.

POŽARI

Tokom 2013. godine, na području Kantona Sarajevo registrovana su 123 požara (48 manje) u kojima su četiri lica poginula, šest lica teško i jedno lakše povrijeđeno. Prema statističkim pokazateljima, 65 požara je izazvano namjerno, 14 zbog tehničkih nedostataka, osam je prouzrokovano nehatom, dok uzroci 36 požara spadaju u kategoriju ostalih.

SAMOUBISTVA

U 2013. godini na području Kantona Sarajevo registrovano je 41 samoubistvo (jedno više), počinjeno od strane 28 muškaraca i 13 žena i to na slijedeće načine: vješanjem – 21 put, skakanjem sa visine i upotrebom vatrenog oružja – po sedam, trovanjem i samospaljivanjem – po dva, presijecanjem vena i samoklanjem – po jednom. Prema dobi, izvršioci su tri lica u dobi od 21-30 godina, dvanaest u dobi od 31 do 50 godina i 26 lica u dobi preko 50 godina.

JAVNI RED I MIR

U toku 2013. godine, evidentirano je 5.766 prekršaja iz oblasti javnog reda i mira ili 12,4% više nego 2012. godine. Od ukupnog broja registrovanih prekršaja, 5.249 prekršaja ili 91% su prekršaji iz Zakona o prekršajima protiv javnog reda i mira. Za izvršenje prekršaja prijavljeno je 6.335 lica ili 11,9% više nego 2012. godine.

Prilikom narušavanja javnog reda i mira u toku 2013. godine, u slučajevima kada se radilo o prekršajima, jedno lice je teže povrijeđeno (u toku 2012. godine dva), dok su lakše povrijeđena 384 lica (dva ili 0,5% manje).

Od ukupnog broja prekršajnih sankcija, 711 ili 12,3% se odnosi na lica koja su i ranije činila prekršaje (povratnici), 127 ili 2,2% na maloljetna lica i 13 ili 0,2% na strane državljane.

S obzirom na starosnu strukturu lica protiv kojih su u toku 2013. godine preduzete prekršajne sankcije (ukupno 6.335), najveći broj je onih starosne dobi preko 36 godina (3.092), zatim starosti između 26 i 35 godina (1.755) i između 19 i 25 godina (1.322), te maloljetnih lica (166).

Potrebno je istaći da se od ukupnog broja prekršajnih sankcija koje su preduzele policijske stanice Centar i Stari Grad, 2.018 ili 62,1% odnosi na prekršaje učinjene prosjačenjem, što je rezultat pojačanih aktivnosti policijskih službenika na suzbijanju ovog oblika narušavanja javnog reda i mira, koje je najizraženije na području užeg centra grada, posebno u vrijeme turističke sezone, vjerskih i drugih praznika i manifestacija.

Od **ukupno 5.249 evidentiranih** prekršaja iz Zakona o prekršajima protiv javnog reda i **najbrojnija su prosjačenja** – 2.333, a što predstavlja 44,4% svih prekršaja utvrđenih ovim Zakonom. Zatim slijede prekršaji učinjeni tučama -886 prekršaja; naročito drskim

ponašanjem -717, odbijanjem naređenja i omalovažavanjem policijskih službenika – 460; svađom, vikom, nepristojnim ponašanjem – 157; paljenjem petardi – 35; neovlaštenom upotrebom oružja – 7; uživanjem opojne droge na javnom mjestu – 7, te ostali prekršaji iz Zakona – 647. Takođe, podneseno je i **517** prekršajnih sankcija prema Odlukama općinskih vijeća (sveukupno 5.766 prekršajnih sankcija).

Tabelarni pregled vrste prekršaja iz oblasti javnog reda i mira u toku 2013./2012. godine

Vrsta prekršaja	Broj prekršaja		+ -%	Učinioci		
	2013.	2012.		Ukupno	Maloljetni	Povratnici
Svađa, vika, nepristojno ponašanje	157	128	+22,7	174	3	6
Tuča	886	857	+3,4	1.209	101	38
Naročito drsko ponašanje	717	743	-3,5	916	13	39
Odbijanje naređe. i omal. pol. sl.	460	477	-3,6	462	4	9
Uživanje opojne droge na jav. mjest.	7	1	+600,0	7		
Neovlaštena upotreba oružja	7	2	+250,0	7		
Paljenje petardi	35	33	+6,1	36	6	
Prosjačenje	2.333	1.701	+37,2	2.332	2	564
Ostali prekršaji iz Zakona o JRM	647	644	+0,5	670	27	28
UKUPNO IZ ZOPP JRM	5.249	4.586	+14,5	5.813	156	684
prema Odlukama Općinskih vijeća	517	543	-4,8	522	10	27
SVEUKUPNO	5.766	5.129	+12,4	6.335	166	711

U odnosu na 2012. godinu, smanjen je broj prekršajnih sankcija zbog prekršaja učinjenih naročito drskim ponašanjem (za 3,5%) i odbijanjem naređenja i omalovažavanjem policijskih službenika (za 3,6%), a u svim ostalim slučajevima došlo je do povećanja.

Najveći broj prekršaja učinjen je na ulici i drugim otvorenim prostorima – 4.901 (ili 85%); ostalim mjestima – 400 (ili 6,9%); ugostiteljskim objektima – 293 (ili 5,1%); sportskim stadionima i dvoranama - 60 (ili 1%); školama i školskim dvorištima – 49 (ili 0,8%); trgovinskim i zanatskim radnjama – 41 (ili 0,7%) i vozilima javnog saobraćaja – 22 (ili 0,4%).

U odnosu na 2012. godinu, povećan je broj prekršajnih sankcija zbog prekršaja kojima se narušava javni red i mir na ulici i drugim otvorenim prostorima, na sportskim terenima i u trgovinskim i zanatskim radnjama, dok je broj prekršaja učinjenih na svim ostalim mjestima smanjen.

Pored prekršajnih sankcija zbog prekršaja izvršenih u školama i školskim dvorištima, policijski službenici su u toku 2013. godine zbog krivičnih djela izvršenih na ovom lokalitetu, nadležnom tužilaštvu podnijeli 34 službena izvještaja (sedam manje u odnosu na 2012. godinu) i to zbog sljedećih djela: ugrožavanje sigurnosti-osam, nasilničko ponašanje-šest, razbojništvo-tri, teška krađa na naročito drzak i opasan način-tri, teška tjelesna ozljeda-četiri, lahka tjelesna ozljeda -tri, krađa-tri, te razbojnička krađa, teška

krađa, posjedovanje opojne droge na javnom mjestu i pomoć učitelju poslije učinjenog krivičnog djela-po jedno djelo.

Policijski službenici su u protekloj godini učestvovali u osiguranju 2.294 javna skupa koji su održani na području Kantona Sarajevo (252 ili 9,9% manje u odnosu na 2012. godinu), a u 460 slučajeva izvršeno je KDZ osiguranje ovih skupova (četiri ili 0,9% manje).

Preduzimate su planske i organizovane aktivnosti kako bi svi skupovi, kao što su sportske, kulturne, vjerske i druge manifestacije, protestna okupljanja građana, kao i skupovi kojima se obilježavaju događaji iz prošlosti, protekli bezbjedno.

Policijski službenici MUP-a Kantona Sarajevo su tokom mjeseca juna 2013. godine profesionalno i u skladu sa Zakonom, poštujući sva prava građana, vršili osiguranje protestnih okupljanja građana povodom nedonošenja Zakona o JMBG, koji su se održavali ispred Institucija BiH uz prisustvo od 20-tak do nekoliko hiljada građana.

U saradnji sa drugim policijskim agencijama, policijski službenici MUP-a KS vršili su osiguranje protestnih okupljanja građana koje je započelo 05.06.2013. godine i proticalo je mirno i bez incidenata, da bi narednog dana otpočela evakuacija uposlenika i stranih državljana iz zgrade Institucija BiH, s obzirom da su svi ulazi i izlazi bili blokirani. Za to vrijeme veliki dio protestanata se samoinicijativno razišao, nakon čega je ostalo oko 50-tak osoba koje su počele narušavati javni red i mir vikom, galamom i omalovažavanjem ovlaštenih službenih lica.

Došlo je i do fizičkog konflikta između dvije skupine, te su policijski službenici, u cilju sprečavanja sukoba, ograničenom intervencijom tzv. „poretkom“, bez upotrebe sile iste potisnuli sa platoa. Ovom prilikom, a u skladu sa članom 8. Zakona o prekršajima F BiH, zbog narušavanja javnog reda i mira, te nepostupanja po naredbi ovlaštenih službenih osoba, slobode je lišeno pet lica. Sva naredna okupljanja građana ispred Institucija BiH proticala su bez narušavanja javnog reda i mira.

Do incidenta na javnim skupovima došlo je i prilikom odigravanja nogometne utakmice na stadionu „Asim Ferhatović“ između FK Sarajevo iz Sarajeva i FK Borac iz Banja Luke, kada su četiri navijača FK Sarajevo pokušala izazvati sukob u čemu su spriječeni od strane policijskih službenika. Zbog postojanja osnova sumnje da su počinili krivično djelo iz člana 20 Zakona o sprečavanju nasilja i nedoličnog ponašanja na sportskim terenima podnesen je službeni izvještaj nadležnom tužilaštvu protiv četiri lica.

SAOBRAĆAJ

U toku 2013. godine, stanje sigurnosti saobraćaja karakteriše povećanje ukupnog broja saobraćajnih nezgoda, nezgoda sa materijalnom štetom i nastradalim licima, kao i broja nastradalih lica.

Registровано je 10.536 saobraćajnih nezgoda (659 ili 6,7 % više), 9.670 sa materijalnom štetom (618 ili 6,8 % više) i 866 sa nastradalim licima (41 ili 5 % više).

U saobraćajnim nezgodama na području Kantona Sarajevo 1.190 lica je nastradalo (123 ili 11,5 % više). Dvadeset četiri lica su poginula (tri ili 14,3 % više), dok je 1.166 lica povrijeđeno (120 ili 11,5 % više), 165 teže teže i 1.001 lakše.

Među poginulim licima, 15 je pješaka, sedam vozača i dva putnika.

Od ukupno 1.166 povrijeđenih lica, 463 su vozača (11 manje), putnika – 428 (141 više) i pješaka - 275 (10 manje). Kada je u pitanju stepen povreda, 44 vozača su teže, a 419 lakše povrijeđeno. Četrdeset dva putnika su teže, a 386 lakše povrijeđeno, dok je 79 pješaka teže i 196 lakše povrijeđeno.

U naselju je registrovano 10.106 saobraćajnih nezgoda (15 sa poginulim, 782 sa povrijeđenim licima i 9.309 sa materijalnom štetom), van naselja 430 nezgoda (osam sa poginulim, 61 sa povrijeđenim licima i 361 sa materijalnom štetom).

Registrovane su 1.933 saobraćajne nezgode na raskrscima u naselju, 55 na pješačkom prelazu, 31 na raskrscima van naselja, 22 na nadvožnjaku, šest na mostu, šest na prelazu preko željezničke pruge, tri na podvožnjaku, jedna u tunelu i 8.479 saobraćajnih nezgoda čije se karakteristike puta ubrajaju u kategoriju ostalih.

Uporedni pokazatelji sigurnosti saobraćaja na području Kantona Sarajevo
u toku 2013/2012.godine

	2013	2012	+, -, %
UKUPNO SAOBRAĆAJNIH NEZGODA	10.536	9.877	+ 659 ili 6,7 %
Saobraćajne nezgode sa nastradalim licima	866	825	+ 41 ili 5 %
Saobraćajne nezgode sa materijalnom štetom	9.670	9.052	+ 618 ili 6,8 %
POGINULO LICA	24	21	+ 3 ili 14,3 %
- vozači	7	6	+ 1 ili 16,7 %
- putnici	2	2	isto
- pješaci	15	13	+ 2 ili 15,4 %
POVRIJEĐENO LICA	1.166	1.046	+ 120 ili 11,5 %
- vozači	463	474	- 11 ili 2,3 %
- putnici	428	287	+ 141 ili 49,1 %
- pješaci	275	285	- 10 ili 3,5 %

Starosna struktura lica povrijeđenih u saobraćajnim nezgodama je sljedeća: od 25 do 30 godina – 194 lica, od 31 do 40 godina – 186 lica, od 21 do 24 godine – 171 lice, od 41 do 50 godina – 145 lica, od 51 do 65 godina – 118 lica, od 18 do 20 godina – 102 lica, itd. Takođe, u saobraćajnim nezgodama tokom 2013. godine, poginulo je dvoje djece - putnik i pješak.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 8.581 (pet lica poginulo i 650 povrijeđeno), neprilagođena brzina- 1.701 (15 lica poginulo i 429 lica povrijeđeno), uticaj alkohola – 249 (četiri lica poginula i 82 lica povrijeđena), klizav put - dvije saobraćajne nezgode (četiri lica povrijeđena), umor – jedna nezgoda (jedno lice povrijeđeno), oštećenje puta i odron na putu - po jedna nezgoda sa materijalnom štetom.

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 282.393 vozila (31.299 više).

Zbog tehničke neispravnosti, iz saobraćaja su isključena 333 vozila (205 manje), 5.141 vozač je zatečen da upravlja vozilom pod dejstvom alkohola (50 manje), 13.174 bez korištenja sigurnosnog pojasa (1.683 više), 3.324 bez položenog vozačkog ispita (323 više), a 2.755 vozača je učestvovalo u saobraćaju bez važeće registracije (52 više).

Zbog kršenja propisa iz oblasti sigurnosti saobraćaja uručeno je 180.938 prekršajnih naloga vozačima (34.844 više), podneseno 666 zahtjeva za pokretanje prekršajnog postupka (236 više) i registrovano 77 krivičnih djela zbog ugrožavanja sigurnosti javnog prometa (18 više).

MIRUJUĆI SAOBRAĆAJ I KONTROLA PJEŠAKA

Tokom 2013. godine, pripadnici Uprave policije su uručili 63.252 prekršajna naloga vozačima koji nisu poštivali saobraćajne propise prilikom parkiranja (28.151 više u odnosu na 2012. godinu), upozorili 6.570 vozača (1.230 više), a specijalnim vozilom „pauk“ su premjestili 3.033 vozila (273 više). Zahtjeva za pokretanje prekršajnog postupka nije bilo.

Takođe, upozorena su 1.522 pješaka (438 više) i uručeno 1.348 prekršajnih naloga (282 više). Zahtjeva za pokretanje prekršajnog postupka nije bilo.

ZAKONITOST U RADU

Službenici policije su tokom izvještajnog perioda 66 puta opravdano upotrijebili silu (16 više).

U toku 2013. godine, registrovane su 394 predstavke, među kojima je za 103 predstavke (četiri manje) data saglasnost za sprovođenje unutrašnjih istraga, za 285 je donesen zaključak da su neosnovane, u tri slučaja predstavke su pripojene već otvorenoj istrazi, u jednom slučaju stranka je odustala od žalbe, u u jednom slučaju akt je proslijeđen Upravi administracije i podrške, dok je u jednom slučaju akt dostavljen Sektoru kriminalističke policije.

Postupano je po 12 predstavki iz ranijeg perioda tako da je razmatrano ukupno 115 predstavki (šest manje).

Okončano je 98 predstavki, među kojima u 39 slučajeva nije bilo dovoljno dokaza, u 25 slučajeva predstavke su osnovane, u 25 slučajeva neosnovane, dok je u devet slučajeva stranka odustala od predstavke.

STRATEGIJA BORBE PROTIV KORUPCIJE

Uprava policije je tokom 2013. godine, nastavila sa implementacijom Strategije borbe protiv korupcije u Upravi policije Ministarstva unutrašnjih poslova Kantona Sarajevo.

U izvještajnom periodu registrovano je 12 žalbi koje su se odnosile na postojanje osnova sumnje da je počinjeno krivično djelo navedeno u Strategiji borbe protiv korupcije.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U 2013. godini evidentirano je 108 krivično djelo koje su regulisana Zakonom o nabavljanju, držanju i nošenju oružja i municije (sedam više), počinjenih od strane 110 izvršilaca, od kojih je 47 lišeno slobode.

Od strane Policijskih uprava fizičkim licima izdata su 754 odobrenja za nabavku vatrenog oružja (11 manje), 1.091 oružni list (83 više) i izvršena 271 zamjena oružnih listova za fizička lica (158 manje).

U sklopu aktivnosti na oduzimanju nelegalno posjedovanog oružja i drugih predmeta oduzeto je: dva teška oružja, 46 pušaka, 95 pištolja, 148 noževa i drugih oštrih predmeta, 24 ručne bombe, 13 boksera, 6.199 kom. municije različitog kalibra, 12.269 petardi, itd.

Takođe, u protekloj godini organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovala u realizaciji akcije "ŽETVA 2013" s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji između ostalog prikupljeno je slijedeće naoružanje:

- ručne bombe – 115 komada.,
- mine, granate, trombloni i sl – 37 kom.,
- pištolji – šest kom.,
- puške – pet kom.,
- ručni bacači – dva kom.,
- municija raznog kalibra – 2.426 kom., itd.

RAD POLICIJE U ZAJEDNICI

U 2013. godini u okviru Rada policije u zajednici obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, kontinuirano su održavani redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti. Između niza aktivnosti koje su provođene u cilju što uspješnije realizacije Rada policije u zajednici i unapređenja saradnje sa društvenom zajednicom u protekloj godini izdvajamo sljedeće:

- Kontinuirano su provođene i uspješno realizovane aktivnosti na projektu „Sa policijom u kino“ čiji je realizator bila Uprava policije MUP-a Kantona Sarajevo, u saradnji sa predstavnicima filmskog i izdavačkog preduzeća „Tropic“ iz Zenice, kina „Cinema city“, te NATO-štaba Sarajevo. U okviru projekta, učenici osnovnih škola su bili u prilici pogledati dva nova i veoma popularna crtana filma. Pored toga, policijski službenici su učenicima pokazali i prigodne, edukativne video-klipove iz oblasti sigurnosti saobraćaja, međuvršnjačkog nasilja i zloupotrebe opojnih droga. U okviru projekta vršena je edukacija učenika na teme „Put do škole može biti opasan“ i „Prevenција upotrebe pirotehničkih sredstava“,
- Aktivnosti oko organizovanja posjete predstavnika PS Bežigrad Ljubljana MUP-a Republike Slovenije Policijskoj upravi Novi Grad,
- Aktivnosti na provođenju manifestacije jubilarne „10. Kid's festival- Sarajevo 2013“,
- Aktivnosti oko provođenja projekta „Coming out! Zagovaranje i zaštita prava LGBT osoba,
- Aktivnosti oko organizacije treninga o krivičnim djelima počinjenim iz mržnje na osnovu seksualne orijentacije i rodnog identiteta koji je održan 23 i 24. 09. 2013. godine u Konjicu,
- Aktivnosti oko saradnje sa partnerskim organizacijama CCPA-OFFS, u vezi projekta SSP (Sport + škola + policija),
- Učestvovanje na seminaru Open Fun Football Schools,
- Aktivnosti oko učestvovanja na Javnoj raspravi o Nacrtu akcijskog plana za prevenciju maloljetničkog prijestupništva i rad sa maloljetnicima u sukobu sa zakonom 2013. – 2015. godina,
- Organizacija i učestvovanje na svečanosti obilježavanja devete godišnjice projekta „Superbus“,
- Prijedlozi, ocjene i sugestije oko novopostavljenog posebno izdvojenog web sadržaja „Predstavljamo RPZ policajce“,

- Nastavljene su aktivnosti vezane za projekat „Superbus“ – projekt „Policajac prijatelj“, te izvršeno usaglašavanje pojmova za predavanja i radionice, a u skladu sa odredbama novog Zakona o spriječavanju nasilja u porodici,
- U osnovnim školama održano predavanje na temu „Znakovi u saobraćaju“,
- Obavljeno je kontaktiranje sa predstavnicima Direkcije za evropske integracije BiH u cilju pribavljanja letaka „Na granici sa EU“ i distribucija istih u MUP-Kantona Sarajevo,
- Sudjelovanje na okruglom stolu o inkluziji Roma u obrazovni sistem, a u okviru Svjetske Dekade Roma 2005-2015.,
- Sudjelovanje na “Sarajevo Holiday market”-u, itd.

Sarajevo, 14.01.2014.godine

**Odsjek za odnose s javnošću
MUP-a Kantona Sarajevo**